

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Quâ ceremonia significabatur, ipsum imposterum in populo Dei liberam conversationem habere.

Lex hæc cum suis ceremoniis *typus est spiritualis mundationis à lepra peccati*, quæ fit per sanguinem Christi, Ebr. 9. v. 14.

Avis mactata præfiguravit *mæltationem Christi in ara crucis*, cuius sanguine aspergimur per fidem, & mundamur ab omni peccato, I. Joh. 1. v. 7.

Fasciculus ex Cedro, filis purpureis & hyssopo confectus *ministerium notat verbi & sacramentorum*, in quo Spiritus S. efficax est, & languine Christi nos aspergit, I. Pet. 1. vers. 2.

Avis autem, quæ viva dimissa est, *notat anima liberationem*, quæ per sanguinem Christi purificata viva in cœlum evolat ad castra filiorum Dei, & partem accipit fortis sanctorum in lumine, ut loquitur Apostolus, Col. 1. v. 12.

Hujus Leviticæ mundationis meritò recordamur in Exordio hujus concionis, quia de leprosis agendum est, quos Christus divinâ virtute mundatos ad Sacerdotes ablegat, ut legi huic conformes sese gerent.

Evangelium constat tribus partibus, quas ordine recensebimus.

- I. *Est leproorum obviantium multitudo.*
- II. *Christi opitulantis promptitudo.*
- III. *Vnius Samaritani gratitudo.*

J. J.

EXEGESIS.

Sicut sol in cœlo nunquam quiescit, sed incessabili motu non tantum ab ortu in occasum fertur, sed etiam modò versus se-

ptentrionē, modò versus meridiem, pro diversitate anni temporum declinat, ut sic terras & maria lustret, totiisque mundo suæ lucis & caloris beneficium impertiat: Ita Christus sol iustitiae, Mal. 4. v. 2. in postrema sua Hierosolymam versus suscepit peregrinatione morti jam proximus non tantum rectâ lineâ per Samariam ad illam Judeæ metropolim, in qua pro peccatis humani generis sese passum noverat, contendit, sed etiam inde digressus in Peræam versus ortum sese contulit, hinc rursus in Judæam versus occiduum, ac iterum in Galilæam versus septentrionem, id quod fecit eo fine, ut generalem quandam visitationem paulò ante vitæ suæ finem institueret, omnes luce Evangelii colustraret, ipsisque beneficia sua tam corporalia quam spiritualia communicaret. Quod respiciunt verba Petri, Act. 10. v. 38.

Hinc est quod Evangelista tam diligens est in notandis circumstantiis, quæ circa hanc mundationem leproorum considerandæ veniunt, Describitur enim

I. *Tempus*, quando factum sit, nimur inter eundem Hierosolymam, cum iter suum susciperet ultimum ad passionem ibi subeundam, non regia via, sed per medium Samariam & Galilæam. Quia enim complebantur dies assumptionis ejus, ut inquit Lucas. c. 9. v. 51. volebat prius loca omnia peragrare, ubi anteā Evangelium prædicaverat, & ovi culas suas in doctrina hactenus propositâ adhuc semel, antequam ad Patrem abiaret, confirmare. Hinc in isto itinere quam plurima edidit miracula: Decem hos leprosos mundavit, duobus cœcis visum restituit, Matth. 20. v. 34. Luc. 18. v. 35. Zachæum publicanum convertit, Luc. 19. v. 9. ficii maledixit, Matth. 21. v. 19. Lazarum resuscitavit, Johan. 11. vers. 43. 44. per haec miracula

racula declaravit potentiam suam, quod non sit φίλος ἀνθρώπος, sed filius Dei vivi, Matt. 16. v. 16. cum primis autem leprosum horum emundatione, velut in typo passionis suæ fructum nobis adumbrare voluit, qui est emundatio spiritualis à lepra peccati, 1. Joh. 1. v. 7. Ebr. 9. v. 14.

2. *Locus*, qui fuit vicus quidam Samaritæ. Erant enim leprosi ex oppidis & aliorum consortio remoti, ne contagioso suo morbo alios inficerent, hinc ante vicum vel oppidum Christo obviasset dicuntur.

Ex eo apparet summa Christi φιλανθρωπia & benignitas. Samaritani erant homines pessimi, & recusaverant ipsi hospitium, Luc. 9. v. 53. nihilominus in quodam ipsum vi-
co edit hoc miraculum, & eo ipso testatur, quam anxiè desideret ipsum salutem. Magni beneficij loco habetur, quando medicus rogatus & proemiis invitatus agrotum visitat; sed hic animarum nostrarum medicus sponte ad nos venit, & beneficia sua nobis offert. Ego sto ad ostium, inquit, & pulso, si quis audierit vocem meam, & aperuerit januam, intrabo ad illum, & cornabo cum eo & ipse mecum, Apoc. 3. v. 20.

3. *Numerus*, quod decem fuerint, unde colligitur, lepram fuisse morbum Judæis admodum familiarem & frequentem, quia apud exiguum hunc Vicum decem leprosi habitarunt, immo quod Lev. 13. & 14. dicitur, ipsæ domus & vestes lepræ infectæ fuerunt. Hoc morbo abominabili Deus peculium suum præ gentibus percussit, ut esset commonefactio de peccato, quod gravius puniri solet in Christianis, qui sunt membra Ecclesiæ, quam in gentilibus, qui extra Ecclesiam versantur. Nam à domo Dei judicium plenunque incipit, 1. Pet. 4. v. 17.

4. *Morbus*, qui fuit lepra, morbus contagiosus, ex vitioso humore & adusta melancholia proveniens, hinc tali morbo infecti à reliquorum hominum commercio exclusi nudis capitibus, scissis vestimentis & cooperitis labiis eo fine incedere cogebantur, ut à reliquis dignosci & citius caveri possent, Levit. 13. & 14.

Lepra est imago peccati, si spectes

1. *Originationem*. Contrahitur enim vel intemperantiâ, vel contagio, vel etiam propagatione naturali per parentes. Ita peccatum nascitur ex prava concupiscentia, Jac. 1. v. 15. ex prava conversatione, 1. Cor. 15. v. 33. & per parentes etiam in filios propagatur, Ps. 51. v. 7. 10. fev. 13. 24. 25. *lepro* ^{13. 24. 25. *nata* ^{13. 24. 25. *placit* ^{13. 24. 25. *ex a deputata* ^{13. 24. 25. *concepit* ^{13. 24. 25. *huius* ^{13. 24. 25. *matris* ^{13. 24. 25.}}}}}}}

2. *Operationem*. Lepra totum corpus occupat, contaminat sanguinem, pervadit omnes venas, & nihil in homine sani relinquit. Ita peccatum omnes animæ & corporis vires in homine pervalit, & ita depravavit, ut à planta pedis usque ad verticem capitis nihil boni in nobis inveniatur, Esa. 1. vers. 6.

Lepra segregabat infectos à commercio aliorum, Lev. 13. verf. 46. Ita peccatum nos à Deo segregat, Esa. 59. v. 2.

Lepra pruritum excitat: Ita peccatum varias inordinatas titillationes excitat, à quibus etiam renati non sunt exempti, Rom. 7. v. 5.

Lepra ubi invaluit, membra adeò stupida & quasi mortuare addit, ut nihil sentiant, etiam si acu pungantur, ut videre est Num. 12. v. 12. sic peccatum hominem in rebus spiritualibus stupidum facit, 1. Cor. 2. v. 14. & mortuum coram Deo, Eph. 2. v. 1. ut licet acu legis pungatur, vel etiam à Deo pœnis temporalibus castigetur, non sentiat, Jer. 5. vers. 3.

Lepra-

Lepra raucedinem conciliat, & vocem impedit, ut infecti ab ea clare loqui non possint: Ita peccatum impedit orationem, & licet peccatores orent, tamen non exauduntur, Joh. 9. v. 31.

Lepra graveolentiam spiritus excitat: Ita peccatum hominem fætere facit coram Deo, Ps. 14. v. 3.

3. Distinctionem. Lev. 13. v. 2. seqq. describitur duplex lepra, interior in carne hominis, & exterior in domibus & vestibus: Ita quoque duplex est peccatum, interius in corde & cogitationibus, & exterius in verbis & operibus. Lepra exterior in vestibus & domibus oriebatur ex lepra interiori in carne hominis. Sit peccata actualia originem trahunt ab originali, exteriora ab interioribus, Matth. 15. v. 19.

4. Curationem. Lepra omnem medicinam humanam superat, ita ut à nemine nisi à solo Deo curari possit: Ita peccatum à nullo homine præter solum Christum curari potest, Matth. 1. v. 21. is verè languores nostros tulit, & dolores nostros portavit, Esa. 53. v. 4. lavit nos à peccatis per sanguinem suum, Apoc. 1. v. 5. purgatione factâ per semet ipsum, Eb. 1. v. 3.

5. Conatus, quem exprimunt

1. Christum accedendo; Procul dubio variis medicinis & sacrificiis usi fuerunt, sed frustrâ, tandem igitur ad Christum properant, cui nullus morbus est incurabilis, Ps. 103. v. 3. ita si nulla spes humani affulget auxili, ad Christum properare debemus. Mahus ejus non sunt abbreviatae, ut salvare nequeat, Num. 11. vers. 23. sed novit media & vias ex tentatione suos eripere, 2. Pet. 2. v. 9.

2. Miseriam exponendo, quod faciunt

1. Decenter. Non enim dissimulant mor-

bum suum, sed ex legis præscripto stant procul, & absque dubio denudato capite imundicem suam confitentur, ita nos peccata coram D E O abscondere non debemus, sed cum publicano è longo stemus & dicamus: Propitius esto Deus misero mihi peccatori, Luc. 18. vers. 13. Stant etiam procul, ne aliis halitu suo contagioso damnum aliquod afferant: Ita quoque in morbis contagiosis proximi habenda est ratio. Hoc requirit Christiana charitas, 1. Corinth. 13. vers. 5. proinde Lutherus tales homines, qui alios contagiosis morbis perulant inficiunt, sicarios vocat, Menchels mörder & pari cum iisdem pœna dignos existimat. Observanda igitur hic regula Chisti Matth. 7. v. 12.

2. Ardenter. Procul dubio audiverant, quod primo ministerii sui anno leprosum solo verbo curaverat, Matth. 8. v. 3. ac postea plures, Matth. 11. v. 5. ideò pro Magistro salvandi ipsum reputant, de quo Esa. 63. v. 1. & raucam suam vocem, quantum possunt, elevant, clamantes: JESU, Magister bone, miserere nostri: ita nostra quoque oratio cum devotione conjuncta sit oportet, ne os loquatur, sed mens usuras cogitet, possessionum redditus suppedit, speciem mulierum consideret, quæ Chrysolomi verba sunt. Oratio enim sine devotione est mugitus bōum, inquit Basilus, & planè frustranea, Matth. 15. v. 9..

3. Confidenter. Credunt enim à Christo sibi auxilium præstari posse contra spem naturæ in spem gratiæ & potentiae ipsius, Roman. 4. vers. 18. Non deterret eos legis rigor, quo ab aliorum confortio se remotos esse noverant, Lev. 13. v. 46. non morbi diuturnitas, quæ curam omnem respuebat, non etiam propria indignitas, quod conscientia ipsos

ipsoſ accusabat, ſe hanc pœnam enormibus peccatiſ promeruiſſe, ſed hiſce omnibus quaſi ſepotis, Christi promptitudinem intuentur: Ita nos quoque per fidem omnes dubitationes, quæ forte ex ſuggeſtioneſibus diaboliciſ de gratia Dei nobis luboriuntur, ſupprimamus & devincamus. Qui enim haſit, ſimiſis eſt fluctibus maris, qui à vento moventur & circumferuntur. Non enim aſtimet homo ille, quod accipiat ali- quid à Domino, inquit Jacobus c. i. v. 6. 7.

De Secundo.

Sequitur Christi promptitudo, quam de- clarat

1. *Benevolo aspectu.* Non avertit oculos, aut nares obſtruit, cum leproſos hoſce ſibi obviantes cernit, ſed recta ad illos proget- ditur, & miſeriā eorum corā intuetur: Ita non avertamus oculos à proximo, quando vel contagioſo morbo, vel alio aliquo malo afficitur, ut multi faciunt, vel ex ſuperbia, quā proximum despiciunt, ut Phariſaeus, Luc. 18. v. 11. vel ex invidia, quā fortu- nam ipſius torviſ oculiſ aſpiciunt, Matt. 20. v. 15. vel ex iracundia, ut Haman, Eſth. 5. v. 13. hæc omnia pugnant cum Christiana charitate, 1. Cor. 13. v. 5. 6. Ergo ſequere admonitionem Siracidis c. 4. v. 4.

2. *Blando affatu.* Non denegat ipſis au- xiliū, ſedite, inquit, & oſtendite vos Sacerdotibus. Si decem hiloproſi eodem mo- do fuiffent affecti, ut Naeman Syrus, 2. Reg. 5. v. 11. 12. respondiſſent procul dubio: Quid nobis cum Sacerdotibus? hi ſemel nos judi- carunt leproſos, hanc ſuam ſententiā non mutabunt. Hâc ratione ſanitatē nunc- quam conſecuti fuiffent, ſed obedient Christo, & præceptum ejus non diſputant. Eo- dem modo & nos agamus, non præſcriba-

mus Deo tempus aut modum, ſed ipſius ar- bitrio hæc omnia committamis, qui eſt ad- jugor in opportunitatibus, Ps. 9. v. 10.

Hoc obiter notandum, quod verba Chri- ſtinon uno modo explicentur, ſed

1. *Sinistre à Penitentiis,* qui confeſſio- nem ſuam auricularem & clangulariam inde aſtruere conantur. Sed fruſtrā, vide Psal. 19. v. 13.

2. *Dextre, à noſtre Eccleſie Doctoribus,* qui cum Chriſtoſtomo ministerii dignitatem hic à Christo indigitata ſtatuunt. In V. T. Sacerdotibus à Deo in junctum erat, ut lepram cognoſcerent, Lev. 13. & 14. & ſi quis priſtinam ſanitatē recuperaverat, pecu- liarem hoſtiam tenebatur offere, de qua certa pars etiam Sacerdotibus pro ſolatio- deputata erat, Exod. 29. v. 26. hanc ipſis Christus non vult ſubtrahere, ſed ablegat leproſos ad Sacerdotes, ut publicam ministerii autoritatē divinitus ordinatam approba- ret & conſervareret, iſpique ex hoc miraculo cognoſcerent, quod ſit verus Messias, de qua talia miracula p̄adicta erant, Eſ. 35. v. 5. In- de elicitur, quid auditores ſuis debeant Paſtoribus, nimirum

1. *Reverentiam.* Sunt enim ministri Christi, pro quo legatione fungontur, adeoque qui ipſos audit, Christum ipſum audit, Luc. 10. vers. 16. huic pertinent di- cta Scripturæ, Ebr. 13. vers. 17. 1. Timoth. 5. vers. 17.

2. *Beneficentiam,* ut iusta ipſis faciant ſalaria, & certo tempore exſolvant, juxta Scripturam, 1. Corinth. 9. vers. 7. ſeqq. Gal. 6. vers. 6.

3. *Ex optatissimo effectu.* Nam inter eundum purificantur. Lepra erat morbus incurabilis, ut ſupra diximus, 2. Reg. 5. v. 7. Sed Christo nihil eſt imposſibile, proinde